

選

詩

句

圖

洞

霄

詩

集



20272

選

詩

句

圖

高似孫集

中華書局

叢書集成初編

選詩句圖（及其他一種）

中華書局出版發行

（北京王府井大街三十六號）

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之一

統一書號：一七〇一八·一五一

選詩句圖

此據百川學海本
排印初編各叢書
僅有此本

選詩句圖

宋 高氏似孫集

杜公訓兒熟精選理兒豈能熟公自熟耳蚤參公法金律用六朝句不特公也宋襲晉齊沿宋凡茲諸人互相憲述神而明之人莫知之惟李善知之予亦知之乃爲圖誌略表所以憲述者法精且祕悟其杜矣姑畀兒兒熟否雖然莫欺也力諸壬午十一月二十一日
漢

李陵

漢書曰陵字少卿爲侍中
建章監降匈奴爲右校正

嘉會難再遇三載爲千秋

遠望悲風至對酒不能酬

劉休玄詩日夕涼風起對酒長相思

行人難久留各言長相思

努力崇明德皓首以爲期

蘇武詩顧君崇令德隨時愛景光

選詩句圖

蘇武

漢書曰武字子卿爲移中監使匈奴十九年歸拜典屬國

昔爲鴛與鴦今爲參與辰

絲竹厲清聲慷慨有餘哀

願爲雙黃鵠送子俱遠飛

古詩願爲雙鳴鵠奮翅起高飛阮籍詩願爲雙飛鳥比翼共翱翔建安中無名詩中有雙飛鳥自名曰鴛鴦

散馥我蘭芳芬馨良夜發

良友遠離別各在天一方

曹植詩之子在萬里江湖遇且深陸機詩遊子眇天末還期不可期

班婕妤

五言歌錄曰成帝選婕妤居增成舍趙飛燕寵盛婕妤失寵帝崩婕妤充園陵

出入君懷袖動搖微風發

古詩從風入君懷四坐莫不歡曹植詩願爲西南風長逝入君懷君懷長不開賤妾當何依

常恐秋節至涼風奪炎熱

古詩歌行曰常恐秋節至焜黃華葉衰

魏

文帝

魏志曰文帝諱丕字子桓太祖太子也爲五官中郎將太祖薨嗣位爲丞相魏主受漢禪即皇帝位

雙渠相溉灌，嘉木繞通川。

西京賦曰：嘉木樹庭上。林賦曰：通川過於中庭。

草蟲鳴可悲，孤鴈獨南翔。

曹植詩：孤鴈飛南游，遇夜長哀吟。左思詩：披軒臨前庭，啾啾徒鴈翔。

天漢迴西流，三五正縱橫。

古詩：河漢清且淺，相去復幾許。鮑照詩：夜移衡漢落，徘徊帷戶中。

丹霞夾明月，華星出雲間。

張載詩：朝霞迎白日，丹氣臨湯谷。

游魚潛綠水，翔鳥薄天飛。

阮籍詩：綠水揚洪波，曠野莽茫茫。

秋風發微涼，寒蟬鳴我側。

春鳩鳴飛棟，流焱激樅軒。

曹植 魏志曰：植字子建，善屬文，封陳王。

員闕出浮雲，承露槩太清。

廣雅曰：圜，摩也。槩與圜同。古字通。顏延年詩：流雲瀉青闕，皓月鑒丹宮。

浮沉各異勢，會合何時諧。

明月澄清景，列宿正參差。

謝朓詩：曉星正寥落，晨光復映輝。曹植詩：圓景光未滿，衆星鉅以繁。

樹木發春華。清池激長流。盛湛詩。下泉激烈。清噴野增遼案。

朝遊江北岸。日夕宿湘沚。

秋蘭被長坂。朱華冒綠池。劉楨詩。芙蓉散其華。菡萏溢金塘。潘岳詩。綠池汎淡淡。青柳何依依。謝靈運詩。澤蘭漸被逕。芙蓉始發池。陸機詩。幽蘭盈通谷。長秀被高岑。

清時難屢得。嘉會不可常。李陵詩。佳會難載逢。

之子在萬里。江湖迴且深。

應瑒

魏志曰。汝南應瑒。字德璉。太祖辟爲丞相掾屬。後爲五官將文學。謝靈運鄴中集詩序曰。瑒汝穎之士。流離世故。頗有飄薄之歎。

朝鴈鳴雲中。音響一何哀。

陸機詩。孤鴻號外野。翔鳥鳴北林。張載詩。仰聽離鴻鳴。俯聞蟪蛄吟。謝靈運詩。秋泉鳴北澗。哀猿響南巒。

往春翔北土。今冬客南淮。

謝靈運詩。嗷嗷雲中鴈。舉翮自委羽。求涼弱水洲。連寒長沙渚。成公綏屬賦曰。濱弱水之陰岸。

應璩

文章錄曰。璩字休璉。博學好屬文。明帝時。歷散騎侍郎。曹爽多違法度。璩爲詩以諷焉。典著作。卒。文章志曰。璩。汝南人也。

文章不經國。筐篋無尺書。

新序。孫叔敖曰。筐篋之囊簡書。

問我何功德，三入承明廬。

曹植詩，謫帝承明廬，遁將歸舊疆。

劉楨

魏志曰：楨，字公幹，少有文學。太祖辟丞相掾屬。太子嘗請諸文學酒酣，命甄氏出拜，坐中皆伏。楨獨平視。太祖聞之，收楨，減死輪作。著文賦數十篇。謝靈運《鄴中集》詩序曰：楨卓犖偏人，而文最有氣，所得頗經奇。

清風淒已寒，白露塗中庭。

謝朓詩。稍稍枝早勁，塗塗露晚晞。楚辭曰：白露紛以塗塗。王逸曰：塗塗，厚貌也。

白日入虞淵，縣車息驪馬。

陸機詩。虞淵引絕景，四時逝若飛。

王粲

魏志曰：粲，字仲宣，山陽人。獻帝西遷，粲從至長安，以西京擬亂，乃之荊州。依劉表。後太祖辟爲右丞相掾。魏國建，爲侍中。謝靈運《鄴中集》詩序曰：粲家本秦川，貴公子孫，遭亂流寓，自傷情多。

生爲百夫雄，死爲壯士規。

漢書：項羽謂樊噲曰：壯士也。呂氏春秋曰：張儀壯士也。

涼風撤蒸暑，清雲却炎暉。

曲池揚素波，列樹敷丹榮。

列女傳：津吏女曰：水揚波兮杳冥冥。

南登霸陵岸，回首望長安。

阮籍詩：徘徊蓬地上，還顧望大梁。又詩：登高望九州，悠悠分曠野。徐悱詩：登陣起遐望，迴首見長安。鮑照詩：登高臨四關，表裏望皇州。又詩：登鱸眺淮甸，掩泣望荆流。潘岳詩：眷然顧羣洛，山川邈離異。

顏延年詩：前登陽城路，日夕望三川。又詩：却倚雲夢林，前瞻京臺閣。謝朓詩：瀟瀟望長安，河陽視京縣。又詩：引領見京室，宮雉正相望。沈約詩：南瞻儲胥觀，西望昆明池。謝靈運詩：西顧太行山，北眺邯鄲道。盧騷詩：北眺沙漠垂，南望舊京路。

荇蒲竟廣澤。葭葦夾長流。

通俗文曰。日陰曰映。

山岡有餘映。巖阿增重陰。

郭璞曰。方舟併兩船也。

方舟溯大江。日暮愁我心。

上有特棲鳥。懷春向我鳴。

今日不極懽。含情欲待誰。

古樂府。今日何不樂。當復待何時。

詩人樂美士。雖客猶願留。

古詩。客行雖云樂。不如早旋歸。

迴身入空房。託夢通精誠。

晉

郭璞

臧榮緒晉書曰。璞字景純。河東人。璞性放散。不脩威儀。爲佐著作。後轉王敦記室參軍。敦謀逆。爲敦所害。又云。有人見其睡形。變爲精也。

臨源挹清波。陵岡掇丹英。

鄒潤甫遊仙詩。潁隱九泉。

翡翠戲蘭苕。容色更相鮮。

女蘿緣高松。此亦遊仙也。

寒露拂陵苕。女蘿辭松柏。

潯潯怨青陽，陵苔衰素秋。爾雅曰，苔，陵苔也。

謝混臧榮緒晉書曰，混，字叔源，善屬文，爲左僕射，以黨劉毅誅，沈約宋書曰，混，丹陽西池人。

惠風蕩繁囿，白雲屯曾阿。邊讓章華臺賦曰，惠風春施，陸機詩，躑躅遶林，清惠風入我懷。

景異鳴禽集，水木湛清華。

盧諶徐廣晉書曰，諶，字子諶，范陽人，有才理，顯宗徵散騎常侍，段末波愛其才，託以道險不遣，未幾死，諶依石季龍，冉閔誅石氏，諶隨閔軍趨害。

北眺沙漠垂，南望舊京路。江淹詩，飲馬出城，涼北望沙漠路。

平陸引長流，崗巒挺茂樹。

中原厲迅飈，山阿起雲霧。

凝霜霑蔓草，悲風振林薄。阮籍詩，朱華振芬芳。

妙詩中篇好，精義貫幽隲。

傅咸王隱晉書曰，咸，字長虞，北地人，爲司徒校尉。

選詩句圖

日月光太清，列宿耀紫微。

謝靈運詩。列宿，炳天文。負海，橫地理。

孫楚

臧榮緒晉書曰：楚，字子荆，太原人，征西扶風王駿與楚舊好，起參軍，爲馮翊太守。

晨風飄歧路，零雨被秋草。

李陵詩。欲因晨風起，送子以賤軀。

孰能察此心，鑒之以蒼昊。

石崇

臧榮緒晉書曰：崇，字季倫，渤海人也。早有智慧，稍遷至衛尉。初崇與賈謐善，謐既誅，趙王倫專任孫秀，崇有妓曰綠珠，秀使人求之，崇不許，秀勸倫殺崇，遂被害。

苟生亦何聊，積思常憤盈。

蔡琰詩。心吐思兮胸憤盈。

飛鴻不我顧，佇立以屏營。

上二句云：願假飛鴻翼，乘之以遐征。魏文帝喜辨賦曰：思寄目於鴻鸞，舉六翮而輕飛。

朝華不足懽，甘與秋草并。

古詩：傷彼蕙蘭花，含英揚光耀。過時而不采，將隨秋草萎。

傳語後世人，遠嫁難爲情。

漢書：張禹曰：有愛女遠嫁。

潘尼

文章志曰：尼，字正叔，有清才，應州辟。後以父老歸養，終乃出仕，位太常。

南山鬱岑峯。洛川迅且急。謝靈運詩。河流有急湍。浮磬無疑轍。又詩。迴流觸驚急。臨圻阻參錯。曹植詩。江介多悲風。淮泗馳急流。

青松蔭脩嶺。綠繁被廣隰。

覺聲孤獸騁。嚶嚶思鳥吟。阮籍詩。走獸交橫馳。飛鳥相隨翔。

山澤紛紆餘。林薄杳阡眠。

陸機 王隱晉書曰。機。字士衡。吳郡人。爲牙門將軍。吳平。太傅楊駿辟祭酒。轉太子洗馬。後成都王穎以機爲司馬。參大將軍軍事。爲穎所害。

孟諸吞雲夢。百二倖秦京。又詩。發軔高洛郊。驛馬大河陰。謝朓詩。江南佳麗地。金陵帝王州。又詩。宛洛佳遊。春色滿皇州。又詩。洞庭張樂地。瀟湘帝子遊。又詩。鵲起登吳山。鳳翔陵楚甸。又詩。二別阻漢坻。雙嶠望河澳。又詩。東

限琅邪臺。西距孟諸陸。謝靈運詩。越海陵三山。遊湘歷九疑。顏延年詩。振轡發吳州。秣陵陵楚山。又詩。江漢分楚望。衡巫食南服。又詩。三湘淪洞庭。七澤鵲荆牧。又詩。入河起陽峽。踐華因削成。盧諶詩。北瞻芒與河。南臨伊與洛。江淹詩。南關繞桐柏。西嶽出魯陽。袁淑詩。長安五陵間。秦地天下樞。鮑照詩。朝遊鴈門上。暮還樓煩宿。謝靈運詩。北渡黎陽津。南登紀鄆城。

曲池何湛湛。清川帶華薄。

清露被皇蘭。凝霜霑野草。楚辭曰。皇蘭被徑兮斯露漸。

京洛多風塵。素衣化爲緇。謝朓詩。誰能久京洛。緇塵染素衣。劉休文詩。臥覺明燈晦。坐見輕絁緇。

南望泣玄渚。北邁涉遠林。又詩。永歎邁南。濟遺思結南津。

輕條象雲構。密葉成翠幄。齊都賦曰。翠輦浮遊。

凝冰結重澗。積雪被長巒。

猛獸憑林嘯。玄猿臨岸嘆。

激楚佇蘭林。回芳薄秀木。上林賦曰。激楚結風。

大火貞朱光。積陽熙自南。鮑照詩。赤阪橫西阻。火山赫南威。潘岳詩。南陽迎脩景。朱明送朱華。崔駰賦曰。迎夏之首。未春之重。

孤獸思故藪。離鳥悲舊林。張載詩。流波戀舊浦。行雲思故心。

蕙草饒淑氣。時鳥多好音。

谷風拂脩薄。油雲翳高岑。王僧達詩。聿來歲序晚。輕雲出東岑。

和風飛清響。鮮雲垂薄陰。

又詩。零露垂鮮澤。朗月耀其輝。

清川含藻景。高崖被華丹。

招搖西北指。河漢東南傾。

鮑照詩。夜移河漢落徘徊帷戶中。

昭昭清漢陣。粲粲光天步。

謝靈運詩。照灼爛霄漢。遙裔起長津。

人生無幾何。爲樂常苦晏。

江離生幽渚。微芳不足宣。

魏武帝詩。蒲生我池中。葉何一離離。劉楨詩。磷磷水中石。蘋藻生其涯。謝靈運詩。微尚不及宣。

念君久不歸。濡迹涉江湖。

但恨功名薄。竹帛無所宣。

王讚詩。師泊久不奏。誰能宣我心。

夏條集鮮藻。寒冰結銜波。

文子曰。夏條可結。

陸雲

王隱齊書曰。雲字士龍。少與兄機齊名。號曰二陸。爲吳王郎中令。出宰浚儀。有惠政。機被收。并收雲。

通波激枉渚。悲風薄丘榛。

楚辭曰。朝發枉渚。淮南子注曰。叢木曰榛。陸機詩。頓轡倚嵩巖。側聽悲風響。

時暮復何言，華落理必賤。

南津有絕濟，北渚無河梁。劉休玄詩。河廣川無梁，山高路難越。謝朓詩。風雲有鳥路，江漢限無梁。

傅玄臧榮緒晉書曰。玄字休奔。北地人。善屬文。舉秀才。至司隸校尉。

繁星依青天，列宿自成行。

纖雲時髣髴，渥露沾我裳。曹植魏德論曰。纖雲不形。陽光赫戲。劉楨詩。皎月垂紫光。玄雲爲髣髴。

良時無停景，北斗忽低昂。

王康琚古今詩英華曰。晉王康琚。爵里未詳。

鷓鴣先晨鳴，哀風迎夜起。陸機詩。哀風中夜流。孤獸更我前。

推分得天和，矯性失至理。

張華臧榮緒晉書曰。華字茂先。范陽人。好文義。博覽。爲太常博士。轉兼中書郎。遷司徒。爲趙王倫所害。

蘭蕙緣清渠，繁華蔭綠渚。佳人在茲。取此欲離與。

佳人處遐遠。蘭室無容光。
繁霜降當夕。悲風中夜興。

左思

臧榮緒晉書曰。思字太冲。齊國人。博覽文史。作三都賦。徵爲秘書。

左眄澄江。湘右盼定羌。胡
顏延年詩。統盼靚青崖。衍漾觀綠嶠。廣雅曰。盼。視也。方言曰。澄。清也。馬融論語注曰。盼。動目貌。

白雪停陰岡。丹葩耀陽林。

石泉漱瓊瑤。纖鱗亦浮沉。
陸機詩。山溜何冷冷。飛泉漱鳴玉。楚辭曰。飲石泉兮蔭松柏。

柔條旦夕勁。綠葉日夜黃。

弱葉棲霜雪。飛榮流餘津。

殷仲文

檀道鸞晉陽秋曰。仲文字仲文。陳郡人。爲驃騎行參軍。以桓玄之姊夫。玄僭立。用爲長史。帝反正。出爲東陽太守。愈益憤怒。後照鏡不見其面。數日禍及。

景氣多明遠。風物自凄緊。

爽籟警幽律。哀壑扣玄牝。

大戴禮曰。丘陵爲牡。溪谷爲牝。

阮籍

臧榮緒晉書曰。籍字嗣宗。陳留人。容貌儼然。志氣閑放。爲尚書郎。遷步兵校尉。哀宏竹林名士傳曰。籍以步兵校尉關中。有數斛酒。求爲校尉。大將軍甚奇愛之。